

阿毗達磨大毗婆沙論卷第二百五十六 情六

五百大阿羅漢等造三藏法師玄奘奉詔譯

根蘊第六中一心納息第五之二

諸法無學正見相應彼法無學正思惟相應耶  
荅應作四句此中無學正見一切地可得非一切無漏心無學正思惟一切無漏心可

得非一切地是故得作大四句有法無學正見相應非無學正思惟謂無學正見相應正思惟及無學正思惟不相應無學正見相應法無學正見相應正思惟者謂無學正見聚中正思惟此但與無學正見相應非無學正思惟自體與自體由三因緣不相應故一無

二自性俱起故二前後刹那不並故三諸法不觀自體與他為緣故及無學正思惟不相應無學正見相應法者謂靜慮中間上三靜慮下三無色無學正見相應法此非無學正思惟相應彼地無正思惟故有法無學正思惟相應非無學正見謂無學正思惟相應正

見及無學正見不相應無學正思惟相應法無學正思惟相應正見者謂無學正思惟聚中正見此但與無學正思惟相應非無學正見自體與自體由三因緣不相應故及無學正見不相應無學正思惟相應法者謂未至初靜慮盡無生智聚中正思惟相應法此非

無學正見相應彼聚中無正見故有法無學正見正思惟相應謂除無學正見相應正思惟及除無學正思惟相應正見諸餘無學正見正思惟相應法謂此聚中除二自體餘心所與二相應此復云何謂九大地法十大善地法心及伺有法非無學正見正思惟相

應謂無學正見不相應正思惟無學正思惟不相應正見及前所攝心心所法并色無為心不相應行無學正見不相應正思惟者謂盡無生智聚中正思惟此非無學正見相應彼聚中無正見故亦非無學正思惟相應自體與自體不相應故無學正思惟不相應

正見者謂靜慮中間上三靜慮下三無色無學正見此非正見相應自體與自體不相應故亦非無學正思惟相應彼地中無正思惟故及前所不攝心心所法者謂靜慮中間上三靜慮下三無色盡無生智聚心心所法及一切學有漏心心所法并色無為心不相應

情六

二

行當知皆是第四句攝諸法無學正見相應彼法無學正勤相應耶答應作四句此中無學正見一切地可得非一切無漏心無學正勤一切地一切無漏心可得是故得作中四句有法無學正見相應非無學正勤謂無學正見相應正勤此非無學正勤相應自體與自體不相應故有法無學正勤相應非無學正見謂無學正見及無學正見不相應無學正勤相應法無學正見者自體與自體不相應故無學正見不相應無學正勤相應法者謂盡無生智聚中正勤相應法此非正見相應彼聚中無正見故有法無學正見正勤相

應謂除無學正見相應正勤諸餘無學正見相應法正勤多故於此遍除然此聚中除二自體餘心心所皆二相應此復云何謂九大地法九大善地法心及尋伺有法非無學正見正勤相應謂無學正見不相應正勤及前所不攝心心所法并色無為心不相應行無

學正見不相應正勤者謂盡無生智聚中正勤此非正見相應彼聚中無正見故亦非正勤相應自體與自體不相應故及前所不攝心心所法者此中無餘無學心心所法前所不攝但有一切學有漏心心所法是前所不攝并色無為心不相應行當知皆是第四句

情六

三

攝如對正勤對正念正定正解脫亦尔此皆得作中四句故諸法無學正見相應彼法非無學正智相應諸法無學正智相應彼法非無學正見相應以此二法不俱起故諸法無學正思惟相應彼法無學正勤相應耶答應作四句此中無學正思惟一切無漏

心可得非一切地無學正勤一切地一切無漏心可得是故亦得作中四句文如正見對正勤說如對正勤對正念正定正解脫亦亦諸法無學正思惟相應彼法無學正智相應耶答應作四句此中無學正思惟一切無漏心可得非一切地無學正智一切地可得非

一切無漏心是故亦得作大四句文如正見對正思惟說

諸法無學正勤相應彼法無學正念相應耶答應作四句此中無學正勤正念俱一切地一切無漏心可得是故得作小四句有法無學正勤相應非無學正念謂無學正念此與無學正勤相應非正念自體與自體不相應故有法無學正念相應非無學正勤謂無學正勤此與無學正念相應非正勤自體與自體不相應故有法無學正勤正念相應謂除無學正勤正念諸餘無學正勤正念相應法謂此聚中除二自體餘心心所與二相應此

復云何謂九大地法九大善地法心及尋伺有法非無學正勤正念相應謂前所不攝心心所法并色無為心不相應行此中無餘無學心心所法前所不攝但有一切學有漏心心所法是前所不攝并色無為心不相應行當知皆是第四句攝如對正念對正定正解

脫亦亦此皆得作小四句故諸法無學正勤相應彼法無學正智相應耶答應作四句此中正勤一切地一切無漏心可得正智一切地可得非一切無漏心亦作中四句文如正思惟對正勤說如正勤正念正定亦亦諸法無學正解脫相應彼法無學正智相應

情六

9

耶答應作四句此中無學正解脫一切地一切無漏心可得無學正智一切地可得非一切無漏心亦作中四句文如正勤對正智說根蘊第六中魚納息第六若成就眼根彼於二十二根幾成就幾不成就如如是等章及解章義既領會已當廣分別

問此納息何故名魚荅多位轉移難執取故何謂多位謂具根不具根位無形一形二形位有心無心位定不定位生界地差別位斷善不斷善位離染未離染位善染無記心位異生聖者位見道修道無學位於此等位二十二根成與不成轉移不定如魚難執故

立此名若成就眼根彼於二十二根幾成就幾不成就乃至具知根問亦亦荅若成就問根彼定成就五餘不定成就五者謂眼身命意捨根餘不定者餘十七根或成就或不成就謂耳鼻舌根身根具者則成就不具者不成就女根男根若一形隨成就一若二形俱

成就若無形俱不成就謂本不得或得已由漸命終或餘緣故失樂根若生遍淨及下若聖者生第四靜慮則成就若異生生第四靜慮則不成就若根若生欲界則成就若生色界則不成就喜根若生極光淨及下若聖者生第三第四靜慮則成就若異生生第三第

情六

五

四靜慮則不成就憂根若未離欲染則成就若已離欲染則不成就信等五根若不斷善則成就若斷善則不成就未知當知根住見道則成就餘則不成就已知根住修位則成就餘則不成就具知根住無學位則成就餘則不成就故說餘不定如眼根耳鼻舌根

亦亦皆色界定成就無色界定不成就欲界不定故若成就身根彼定成就四餘不定成就四者謂身命意捨根餘不定者餘十八根或成就或不成就眼根眼根具者則成就不具者不成就餘十七根如前說若成就女根彼定成就八餘不定成就八者謂女身命意樂若喜捨根餘不定者餘十四根或成就或不成就如前應知如女根男根亦亦若成就男女二根彼定成就十五根謂男女身命意五受信等五根定不成就三根謂三無漏根餘不定如前應知若成就命根彼定成就三餘不定成就三者謂命意捨根餘不定者餘

十九根或成就或不成就謂眼耳鼻舌根生色界則成就生無色界則不成就生欲界或成就或不成就如前說身根生欲色界則成就生無色界則不成就女根男根生色無色界則不成就生欲界或成就或不成就如前說樂根若生遍淨及下若聖者生上則成就

若異生生上則不成就苦根若生欲界則成就若生色無色界則不成就喜根若生欲界極光淨及下若聖者生上則成就若異生生上則不成就餘如前說如命根意根捨根亦亦皆三界有情定成就故若成就樂根彼定成就四餘不定成就四者謂樂命意捨根餘不定者餘十八根或成就或不成就如前應知若成就苦根彼定成就七餘不定成就七者謂身命意四受除憂餘不定者餘十五根或成就或不成就如前應知若成就喜根彼定成就五餘不定成就五者謂命意樂喜捨根餘不定者餘十七根或成就或不成就如

情六

六

前應知若成就憂根彼定成就八定不成就一餘不定成就八者謂身命意五受根不成就一者謂具知根餘不定者餘十三根或成就或不成就如前應知若成就信根彼定成就八餘不定成就八者謂命意捨信等五根餘不定者餘十四根或成就或不成就如前應知如信根精進念定慧根亦亦若成就未知當知根彼定成就十三定不成就二餘不定成就十三者謂身命意四受餘憂信等五未知當知根不成就二者謂已知具知根餘不定者餘七根或成就或不成就如前應知若成就已知根彼定成就十一定不成就二餘不定成就十一者謂命意樂喜捨信等五已知根不成就二者謂未知當知具知根餘不定者餘九根或成就或不成就如前應知若成就具知根彼定成就十一定不成就三餘不定成就十一者謂命意樂喜捨信等五具知根不成就三者謂憂前二無漏根餘不

定者餘八根或成就或不成就如前應知若成就眼根彼於三世二十二根幾成就幾不成就乃至具知根問亦尔若成就眼根彼定不成就過去未來八謂命等八無記根惟成就現在非過去未來勢羸劣故定成就過去未來二現在三過未二者謂意捨根此於

情六

七

現在非定成就以彼或住無心位故現三者謂眼身命根餘不定如前說如眼根耳鼻舌亦尔若成就身根彼定不成就過去未來八謂命等定成就過去未來二現在二過未二者謂意捨現二者謂身命餘不定如前說若成就女根彼定不成就過去未來八謂命等定成就過去未來五現在三過未五者謂意四受除憂現三者謂女身命餘不定如前說如女根男根亦尔若成就男女二根滅彼定不成就過去未來八三世三過未八者謂命等三世三者謂三無漏定成就過去未來九三世二現在四過未九者謂四受信等五三

世二者謂意一受現在四者謂男女身命餘不定如前說西方師言應說過未定成就十謂五受信等五三世定成就一謂意受名不定故迦濕彌羅國諸論師言名雖不定而數則定必有一受現在前故此中說數不說名若成就命根彼定不成就過去未來八謂命等定成就過去未來二現在一過未二者謂意捨現一者謂命餘不定如前說如命根意根捨根亦尔若成就樂根彼定不成就過去未來八謂命等定成就過去未來二未來一現在一過未二者謂意捨未一者謂樂現一者謂命餘不定如前說若成就苦根彼定不成就過去未來八謂命等定成就過去未來五現在二過未五者謂意四受除憂現二者謂身命餘不定如前說若成就喜根彼定不成就過去未來八謂命等定成就過去未來二未來二現在一過未二者謂意捨未二者謂樂喜現一者謂命餘不定如前說若成就

憂根彼定不成就過去未來八三世一過未  
八者謂命等三世一者謂具知定成就過去  
未來四三世二現在二過未四者謂四受三  
世二者謂意一受現二者謂身命餘不定如  
前說健馱羅國說此文應言過未成五謂五  
受三世成一謂意受名不定故迦濕彌羅說

情六

八

名雖不定以數定故應如前說若成就信根  
彼定不成就過去未來八謂命等定成就過  
去未來七現在一過未七者謂意捨信等五  
現一者謂命餘不定如前說如信根精進念  
定慧根亦亦若成就未知當知根彼定不成  
就過去未來八三世二現在二過未八者謂

命等三世二者謂已知具知現二者謂苦憂  
定成就三世七過去未來三未來現在一現  
在二三世七者謂意一受信等五過未三者  
謂三受未現一者謂未知當知現二者謂身  
命此中二說如前餘不定如前說若成就已  
知根彼定不成就過去未來八三世二過未

八者謂命等三世二者謂餘二無漏定成就  
過去未來七未來三現在一過未七者謂意  
捨信等五未來三者謂樂喜已知現一者謂  
命餘不定如前說若成就具知根彼定不成  
就過去未來八三世三過未八者謂命等三  
世三者謂憂餘二無漏定成就過去未來十

未來三現在一過未七者謂意捨信等五未  
三者謂樂喜具知現一者謂命餘不定如前  
說若不成就眼根彼於二十二根幾不成就  
幾成就乃至具知根問亦亦若若不成就眼  
根彼定不成就一謂眼定成就三謂命意捨  
餘不定如前說如眼根耳鼻舌女男根三無

情六

九

漏根亦亦若不成就身根彼定不成就十謂  
七色苦憂未知當知定成就八謂命意捨信  
等五餘不定如前說若男女根俱不成就彼  
定不成就二謂男女定成就三謂命意捨餘  
不定如前說命意捨根無不成就若不成就  
樂根彼定不成就九謂女男四受除捨三無

漏定成就八謂命意捨信等五餘不定如前說若不成就苦根彼定不成就五謂女男苦憂未知當知定成就八謂命意捨信等五餘不定如前說若不成就喜根彼定不成就八謂女男苦喜憂三無漏定成就八謂命意捨信等五餘不定如前說若不成就憂根彼定不成就一謂憂定成就八謂命意捨信等五餘不定如前說若不成就信根彼定不成就八謂信等五三無漏定成就八謂身命意五受餘不定如前說如信根精進念定慧根亦亦若不成就眼根彼於三世二十二根幾不成就幾成就乃至具知根問亦亦答若不成就眼根彼定不成就三世一過去未來七三

過未一者謂命定成就過去未來五三世二現在一過未五者謂信等五三世二者謂意捨現一者謂命餘不定如前說若男女根俱不成就彼定不成就二世二過去未來六三世二者謂男女過未六者謂五色命定成就過去未來二現在一過未二者謂意捨現一者謂命餘不定如前說命意捨根無不成就若不成就樂根彼定不成就三世九過去未來六三世九者謂女男四受除捨三無漏過未六者謂五色命定成就過去未來七現在一過未七者謂意捨信等五現一者謂命餘不定如前說若不成就苦根彼定不成就三

情六

十

就過去未來七現在一過未七者謂意捨信等五現一者謂命餘不定如前說若不成就憂根彼定不成就三世一過去未來八三世一者謂憂過未八謂命等定成就過去未來七現在一過未七者謂意捨信等五現一謂命餘不定如前說若不成就信根彼定不成

就三世八過去未來八三世八者謂信等五三無漏過未八者謂命等定成就過去未來四三世二現在二過未四者謂四受三世二者謂意一受現二者謂身命餘不定如前說如信根精進念定慧根亦尔若不成就未知當知根彼定不成就三世一過去未來八三

世一者謂未知當知過未八者謂命等定成就過去未來二現在一過未二者謂意捨現一者謂命餘不定如前說如未知當知根已知具知根亦尔

諸根善彼根因善根耶設根因善根彼根善耶答諸根善彼根因善根謂八根全及六根

情六

十一

少分此以善根為三因即相應俱有同類有根因善根彼根非善謂善根所引異熟生根即善根所引異熟命等八根及意樂喜捨根此以善根為一因謂異熟因此中無貪無瞋無癡名因善根

諸根不善彼根因不善根耶設根因不善根彼根不善耶答諸根不善彼根因不善根謂六根少分此以不善根為四因即相應俱有同類遍行有根因不善根彼根非不善謂不善根所引異熟一生根即不善根所引命等八根及意苦根此以不善根為一因謂異熟因及欲界有身見邊執見相應根此以不善根為二因謂同類遍行此中貪瞋癡名因不善根

諸根無記彼根因無記根耶設根因無記根彼根無記耶答應作四句迦濕彌羅國毗婆沙師說無記根有三謂無記愛慧無明無記愛者謂色無色界五部愛無記慧者謂有覆

無記慧無覆無記慧有覆無記慧謂欲界有  
 身見邊執見及色無色界五部染污慧無覆  
 無記慧謂威儀路工巧處異熟生變化心俱  
 生慧無記無明者謂欲界有身見邊執見相  
 應無明及色無色界五部無明此中無記貪  
 相應心由三無記根故名有根心所餘有覆  
 無記心由二無記根故名有根心謂無記慧  
 無明一切無覆無記心由一無記根故名有  
 根心謂無記慧依此以釋四句義者有根無  
 記彼根非因無記根謂無緣根即命等八根  
 此根無記而不以無記根為因有根因無記  
 根彼根非無記謂不善根即六少分此根不  
 善而以無記根為二因謂同類遍行有根無  
 記彼根亦因無記根謂無記有緣根即五少  
 分此根無記亦以無記根為四因謂相應俱  
 有同類遍行有根非無記彼根亦非因無記  
 根謂善根即八全六少分此根非無記亦不  
 以無記根為因頗有根非因善根非因不善

情六

十二

根非因無記根彼根非無因耶答有謂無緣  
 根即命等八根以色心不相應行為因此非  
 三性根為因而以色心不相應行為三因謂  
 俱有同類異熟西方諸師說無記根有四謂  
 無記愛見慢無明無記愛者謂色無色界五  
 部愛無記見者謂欲界有身見邊執見及色  
 無色界五見無記慢者謂色無色界五部慢  
 無記無明者謂欲界有身見邊執見相應無  
 明及色無色界五部無明此中無記貪相應  
 心由二無記根故名有根心謂無記愛無明  
 無記見慢相應心亦各由二無記根故名有  
 根心謂即彼及無明所餘有覆無記心由一  
 無記根故名有根心謂無記無明依彼以釋  
 四句義者此文應作是說有根無記彼根非  
 因無記根謂無覆無記根此根無記而不以  
 無記根為因有根因無記根彼根非無記謂  
 不善根此根非無記而以無記根為二因謂  
 同類遍行有根無記彼根亦因無記根謂有

覆無記根此根無記亦以無記根為四因謂相應俱有同類遍行有根非無記彼根亦非因無記根謂善根此根非無記亦不以無記根為因頗有根非因善根非因不善根非因無記根彼根非無因耶答有謂無覆無記根以色心不相應行等為因此根不以三性根

情六

十三

為因而以色心不相應行無覆無記心心所為四因謂相應俱有同類異熟此即摠說然相應根具有四因不相應根惟三因除相應因問何故西方諸師立慢為無記根答彼說力堅強義是根義慢力堅強故立為根謂瑜伽師所以退失百千善品皆由慢力問何故

此國諸師不立為根耶答此說下義是根義慢令心舉於下不順故不立根問何故此國諸師立無覆無記慧為無記根答此說為依因義是根義無覆無記慧為依因勝故立為根問何故西方諸師不立為根答彼說力堅強義是根義無覆無記慧勢力羸劣故不立

根問何故此彼國師俱不立疑為無記根答俱說定住義是根義疑不定住二門轉故不立為根如是說者如善不善根俱有三種無記根亦應尔又如不善慢不立不善根無記慢亦應尔故無記根惟三者善根蘊第六中因緣納息第七

諸根因過去彼根緣過去耶如是等章及解章義既領會已當廣分別問何故作此論答為止撥無去來二世及撥無因緣者意乃至廣說故作斯論此中依二緣作論謂因緣所緣緣問何故不依餘二緣作論耶答等無問緣惟一刹那增上緣通一切法若依彼作論

則文義俱不婉博故此但依二緣作論此中應作略毗婆沙謂二十二根中十四有所緣八無所緣有所緣中五識身相應品過去緣過去現在緣現在未來生法緣未來不生法緣三世意識身相應品隨在何世若生不生皆緣三世及無為法又見苦見集所斷根通

緣五部見滅見道所斷根惟緣自部及不斷  
 修斷不斷根通緣五部及不斷又欲色界繫  
 及不繫根通緣三界繫及不繫無色界繫根  
 惟緣色無色界繫及不繫因隨差別亦應准  
 知是謂此中略所說義隨文廣釋如理應知  
 於中一切初翻因略而緣廣一切後翻緣略  
 而因廣此中諸忍以智名說智眷屬故

十四末

說一切有部發智大毗婆沙論卷第二百五十六情六  
 羸劣上方反媿紆阮

阿毗達磨大毗婆沙論卷第二百五十七 情七

五百大阿羅漢等造 三藏法師玄奘奉 詔譯

定蘊第七中得納息第一之一  
 諸得過去法彼得過去耶如是等章及解章  
 義既領會已應廣分別問何故作此論答欲  
 止他宗顯已義故謂或有執過未是無而說

乙

越及當

現在是無為法為遮彼執顯過未有現非無  
 為故作斯論所以者何若無過去未來者應  
 無有情成就彼法及不成就如第二頭第三  
 手第六蘊第十三處第十九界等無有成就  
 不成就者然有成就過去未來及不成就故  
 知實有或復有執成就非實有法如譬喻者  
 作如是論諸有情類不離彼法說名成就此  
 無實體但是觀待分別假立如五指合名之  
 為拳離即非拳故非實有如有有情不離彼  
 法說名成就離即不成就故體非實有問彼  
 何故立此論耶答依契經故如契經說有轉  
 輪王成就七寶若此成就是實有者應成就  
 他身及非有情數謂彼輪王若成就輪寶神  
 珠寶者則法壞亦是有情數法亦是非有情  
 數法若成就象寶馬寶者則趣壞亦是人趣  
 亦傍生趣若成就女寶者則身壞亦是男身  
 亦是女身若成就主藏臣寶兵將寶者則業  
 壞亦是王亦是臣勿有此過故成就非實有